



民國佛教期刊女獻集成

補編

任繼愈題



B94
223
:39

民國佛教期刊文獻集成補編

任繼愈題圖

第 39 卷



山西佛教月刊

現代僧伽

全國佛教徒代表大會須知（現代僧伽社印）

現代佛教

鐘聲

內院雜刊——佛法非宗教非哲學

中國書店

山西佛教月刊目錄 第九期
中華民國十九年一月發行

山西佛教月刊

第二年 第九期

中華郵政特准掛號認爲新聞紙類

孫總理復佛教會函

中華民國元年三月
任臨時大總統時

錄佛學義報

敬覆者頃奉公函暨佛會大綱及其餘二件均悉貴會揭宏通佛教提振我乘融攝世間出世間一切善法甄擇進行以求世界永久之和平及衆生完全之幸福爲宗旨道衰久矣得諸君子闡微索隱補弊救偏既暢宗風亦裨世道曷勝瞻仰讚歎近時各國政教之分甚嚴在教徒苦心修持絕不干涉政治而在國家盡力保護不稍吝惜此種美風豈可效法民國約法第五條載明中華民國人民一律平等無種族階級宗教之區別第二條第七項載明人民有信教之自由條文雖簡而含義甚宏是貴會所要求者盡爲約法所容許凡承乏公僕者皆當力體斯旨一律奉行此文所敢明告者所有貴會大綱已交教育部存案要求條件亦一併附發復

問道安孫文謹肅

山西佛教月刊目錄

第九期

頌詞

法論

佛化可救歐化之破產論

人宜識其真我始不爲小我所累論

宗門爲傳佛祖心印不易成爲佛化論

說禪

鳳凰泉極樂禪寺上代和尚清一老人示衆

公文

中國佛教會訓令第三二號

中國佛教會訓令第三三號

中國佛教會訓令第三四號

山西佛教月刊 目錄



中國佛教會訓令第三五號

察哈爾省政府公函教字第三五六號

本會設立佛教醫學集誠院

上教育廳民政廳陽曲縣呈 附簡章公啓並招生廣告

本會致曲沃縣公函

本會致榆社縣公函

大同縣佛教會呈請立案批

孝義縣成立佛教會稟批

函件

本會致本泉等函

本會致遠明等函

北平臨濟宗致本會會長書

本會會長覆北平臨濟宗函

致李清遺居士函 附來函

武昌蓮溪寺法音大師來函 附吳孩歌

五台山僧會會長寂承來函

答郭銘甫十全壽世醫學疑難問題九道各繫以七律一首

附十全壽世醫學疑難問題原文

文苑

六相義

前題

哭秦開周居士

專著

佛學字三經

轉載

大勇法師駁謝慧霖居士書文

四川寶應縣教育局長侵佔廟產判處徒刑案

淮安楞嚴佛學院宣言 附章程

新聞

虔誠祈禱雨雪皆應

包頭縣妙法寺經過之成績

太原千壽寺即北十方院打念佛及禪七紀略

太原白雲寺即南十方院佛七紀略

頌詞



山西佛教月刊祝讚

佛說經律

菩薩造論

三藏內典

法化羣生

東土列祖

禪教並進

密藏鐵塔

久而彌暢

歷引大德

緒演化祥

創晉月刊

諸佛放光

繼繼承承

壽命孔戶

三災洞然

靈光無恙

北平大覺精舍纂主王與枬和南敬祝

法論

佛化可救歐化之破產論

啓弘

宇宙之內，森羅萬象，無一非集合無量數之原質而成者也；彼原質之數，雖多至不可勝數，而且此分彼合，變動不居，周流

無滯，然皆賴熱力之鼓動，以之燃遷有無，離析組合，斯呈此燦爛光華之世界，以焜耀乎乾坤，熱力之外現者，則本諸太陽，內蘊者，則取之煤炭，舍此二者，別無生熟之點，近世雖發明瓦斯生熟之理，然瓦斯亦由熟所生之子孫，而非生熟之父母也。偉哉煤炭其關係於世界之成毀，其力豈稍減於太陽哉，歐化之興也，原因雖甚複雜，然電汽之力，實居多數，試觀其舟車之運行，工藝之發達，電線之傳播，武器之暴烈，真所謂翻天覆地，倒海移山，縮萬里於咫尺，運風雷於掌上者也，何一非此二者之作用耶，夫電與汽雖兩間所自有，使非熱力之震撼，彼電汽烏能自生耶

，電與汽之生，本於太陽之力者，多播散於空中，或爲之興雲布雨，或爲之噓風激電，雖藉以長養萬物，使並育於世間，而太陽之行度，有南有北，遂致宇宙之氣候，有寒有暑，暑來則電與汽藉以出現，而雷奔電掣，雲行雨施，天地由此交泰，品物於焉咸章，寒來則電與汽皆斂迹，而山睡水冰，花謝葉脫，天地由此閉塞，農家因之瑾戶，蓋春夏秋冬，元亨利貞之往復循環，皆隨太陽之運轉，而現夫發育與收藏之狀態，所謂四時行，百物生，亘萬古而不易，徧世界而無殊，此所謂天地之化育，而不得別之爲何方之化也，若夫歐化則不然，昔者聲光電化之妙能，操諸造物

者，今竟操於人之手矣，鼓萬物者，莫疾乎雷，燥萬物者，莫熾乎火，動萬物者，莫盛乎風，悅萬物者，莫過乎澤，今則此數者，人未有不能自致者也，備物致用，立成器以爲天下利，水陸空行，皆稱便利，起居飲食，各遂慾望，電汽各燈，光明達旦，電影傳播，倏忽萬變，眞所謂宇宙在握，造化生身者歟，然不假水火熏蒸之力，則一切物質，皆低落於冰點，而死板呆滯，不克顯夫圓融無礙之妙能，積而不化，而乾坤亦幾乎熄矣，夫火之生也，上古取之於燧，中古則假諸金石相激，近世多取之於燐，燐也，燧也，金石也，雖皆可以生火，而欲使之熾然

發越，以資人用，則必待夫薪與煤炭，而後可以赫奕而光大，然薪雖可以傳火，而質疎不密，焰易發而不能持久，昔人所謂一團茅草亂蓬蓬，蕪地燒天蕪地空，蓋譏其質之不堅實也，茅草無論矣，即參天拂日之大木，其質雖較堅於春榮秋枯之凡卉，然以古人十年之計則樹木之語證之，則凡樹木之可資爲薪，至近亦必待十年之後，緩不濟急，以之供舉世之人，橫則水陸空行，豎則日夜無已之用，其真等於一杯之水，救車薪之火，一木之力，支大廈之傾，不過徒資爲理論而已，豈果能見諸實用哉，

惟煤炭之蘊於地中者，頗稱雄厚，蓋經遠

古之初，此南閩浮提，地球之北半，由冰凌而遞嬗爲森林，億兆萬年，積累儲蓄，久而成礦，其上微塵日聚，凝爲砂土，愈積愈厚，斯外現者，爲岡爲陵，內蘊者，爲煤爲炭，記所謂寶藏興焉者，煤炭爲大宗，其他諸寶，皆次焉者也，此蓋造物之預爲蓄積，以供生人住却之用，迨其後，世界成立，人之生齒日繁，且由飛行而地行，地行之後，始食地肥，漸食粳米，以次及於茹毛飲血，遞進爲火食，火食所資，初則取諸山林藪澤，然斧斤之伐，牛羊之牧，相繼不已，由是地上之所生，不足供生人之用，而朝餐夕食，夏日飲水，冬日飲湯，漸感困難，乃從事於發掘地中，

採取煤炭，以補材薪之不足，當其始煤炭供人之用者，不過釜餽所資，以熟其食而已，嗣因歐人發明電與汽之後，凡聲光電化之工作，無事不假諸電與汽之力，而煤炭之見用於世者，有加無已，然煤炭之蘊於地中者有限，而人之所取以爲用者無窮，斯供不應求，必有匱竭之一日，英吉利三島之煤礦已盡，乃尋求於異域，非其明證乎，

人第見歐化發達以來，人之生活程度，踵事增華，泰侈無節，此眞天之蕩子也，乃美其名曰天之驕子，誇其奢靡，曰文明世界，而不知其驕子云者，乃肆行妄作之別名，文明云者，亦華而不實之通稱，變淳

謹爲放逸，破敦龐爲澆漓，渾樸之元氣，從此漸滅，慙慙之古風，自此斯喪，天胡不幸，而有此子哉，且將數千萬年前之寶藏，恣意挖取，盡行灰燼，其亡也，可刻期而待，煤礦終了之日，即歐化斷滅之日，良以煤炭淨盡，生熱之質料已亡，彼電與汽，從何而生哉，電汽不生，彼輪船火車等類，其機欲不停而無由，彼歐化即欲苟延殘喘得乎，僅謂之破產猶屬退一步之言也，譬之人焉，其生存也，惟賴八識以主宰之，八識在而煖存，八識去而煖散，煖存則生，煖散則死，此衆生命根存亡之公例，七趣所不能逃者也，歐化依煤炭爲生命，猶衆生之依識爲生命，此可斷定，

毫無疑義也，彼歐美人士，猶自詡之曰，世界有進化而無退化，真欺人語哉，然而舉世之人，往往不以爲非者，何其不思之甚耶，

閒嘗見鄉黨自好之士，硜硜自守，食舊德而服先疇，依祖父之敝廬，粗衣菲食，世世相傳，不改家風，祖孫父子，繼繼繩繩，數百年無少爽德，忽焉而生慷慨不羈之子孫，居則華屋雕梁，出則高車駟馬，衣文繡之衣，食膏粱之食，粉白黛綠者，列屋而閒居，任情揮霍，取之盡錙銖，用之如泥砂，驕奢淫佚，鮮克由禮，而猶自以爲文明，鄙前人爲鄙野，曰，昔之人無聞知，一人如此，馴至人皆如此，相習成風

，不自知其非也，趾高氣揚，而以爲文明之社會，應如此也，乃不數年而使疇曩之所經營而蓄積者，耗費既盡，甚至田園賣盡，囊橐告空，家徒四壁，仰屋浩歎，至此即令頓悟，覺今是而昨非，然一貧如洗，悔已無及，欲不至於貧病以死，豈可得乎，彼歐化之行迹，其與豪華之蕩子，豈有異乎，由此覺悟，或可挽回，所謂亡羊補牢未爲晚，見兔顧犬未爲遲，倘執迷不悟，知進而不知退，知存而不知亡，知得而不知喪，晉進无疆，全球之煤礦，其匱竭可立而待也，煤炭既盡，斯地中所蘊之產已破矣，而電與汽之作用，其不至於左支右絀也難矣，吾不知歐化之所謂有進化

而無退化者，將以何法濟其窮也，

彼歐化之本身，雖不自愛，吾人既生逢其間，不得不從而愛之也，人亦有言，曰，歐化之破產，尚在不可知之時代，而子乃疾首蹙額，時以破產爲慮，是何異杞人之憂天，及無喪而戚之不祥人哉，吾應之曰，子言誠是也，然天之生斯民也，使先知，覺後知，使先覺，覺後覺，余雖不敢自命爲先覺，然既爲佛之弟子，但有所見，曷敢不本佛之慈悲，以貢獻於世耶，夫佛爲一大事因緣出現於世，無非使衆生開佛知見，入佛知見，成佛知見也，佛之知見者何，明心見性而已，明心見性，則可以出火宅，趨涅槃而至於寶所，永出三界，

不受後有，以歸於常樂我淨之域而已，其關鍵則在於明心見性之一端，夫性果爲何等物事哉，曰性無相也，雖無相而一切之相所不能外，所謂相卽性中之相，而性質不着乎相也，經言凡所有相，皆是虛妄，良以相固有爲之法，經又言一切有爲法，如夢幻泡影，如露亦如電，皆言其無常變滅耳，若人到見性之後，視彼一切有爲之法，皆如海市蜃樓之幻化，而不執不住，處光華發越之世界中，吾固行所無事，而無希冀攀緣之心，處寂寥愴悽之世界中，吾仍泰然自得，而無愁苦幽思之念，蓋吾之眞如妙性，本自涅槃，不動不搖，不因酬酢因應，而稍有所增損也，惟其寂然不

動也，始克化民成俗，易世間之化而爲佛化焉，

蓋世間之化，物質之化也，佛化則心性之化也，物質之化，變其固有之形，而別現一種新奇之形，如藍與黃遇而爲綠色，赤與黑遇，而化爲紫色，皆失其本然之狀態，而不能逃乎成住壞空之公例，所謂無常變滅是也，至於心性之化，則心佛衆生，三無差別，特衆生爲習氣所染，沈迷不返，知誘物化，隨業淪轉，衣中雖有無價寶珠，而不自知也，雖不自知，而寶珠自在也，惜其不遇明眼人，爲之指破，斯流落異域，貧無聊賴，而爲窶人子耳，一經至人指授，始知本具無價之寶，取之不盡、

用之無竭，是如來之無盡藏也，彼世間豪富之人，孰有過於余者哉，即令世多狡黠豪猾，發塚椎埋之人，彼固與我無與也，烏有所謂破產之說哉，此非獨一人有如是之寶藏也，卽下至含靈蠢動，凡屬有情，未有不具如是之至寶者也，所可惜者，迷而不悟，而惟妄想執著之是務，此所以不易受化耳，然亦世無至誠之人，有以感化耳，記言惟天下至誠，爲能化，孟子言君子所過者化所存者神，惟其存神，所以過化，水流濕，火就燥，雲從龍，風從虎，聖人作而萬物覩，與善人居，如入芝蘭之室，久而不聞其香，與惡人居，如入鮑魚之肆，久而不聞其臭，斯皆與之化矣，堯

舜帥天下以仁，而民從之，桀紂帥天下以暴，而民從之，舜有天下，選於衆，舉皋陶，不仁者遠，湯有天下，選於衆，舉伊尹，不仁者遠，謂非化而能若是乎，孟子又言，聖人百世之師也，伯夷柳下惠是也，奮乎百世之上，百世之下，聞者莫不興起也，古之所謂聞風嚮化者如此，然此猶就世間有德之人言耳，若夫佛菩薩之威光，無微不燭，無遠弗届，眉間一放白毫之光，洞照東西南北四維上下之萬八千世界，其中之諸佛菩薩聲聞辟支佛及一切比邱比邱尼優婆塞，優婆夷等，種種行動，靡不畢現，而且他方此界之學無學等，未有不駿奔疾馳，來與法會者，神化之妙，有

不知其然而然者矣，值此之時，融無量無邊之世界爲一世界，陵谷坎窞之迹，悉皆泯之無形，又何需舟車飛艇之多事哉，說者曰，此佛陀不可思議之境界也，豈未至於佛者所可望哉，然百川學海而至於海，因賅果海，果徹因源，學者雖不能驟臻於佛，而皆行佛之事也，佛之教人，先以戒端其本，嗣以教明其旨，終以宗造其極，使學者，明其心，見其性，不即世法，不離世法，彼歐化之昌熾，佛教徒亦隨之而昌熾，歐化之破產，佛教徒不隨之而破產，守佛之家法，由戒生定，由定發慧，轉世法而不爲世法所轉，彼歐化之破產與否，曾何損於佛化哉，

且學者於見性之後，從性起修，全修在性，雖不克三昧兼備，六通具足，然由一門深入，曲能有誠，由一明一通，而遞爲進步，以漸幾於究竟，本身自具光明，自有神足，彼電燈電線，與夫舟車飛機，皆歸無用，且有天耳，而十方世界之聲，無不悉聞，有天眼而十方世界之形，無不悉見，縱令物質文明破產，而佛化之文明自若也，夫歐化之行將破產，舉世之先知先覺，所見略同，惟補救之方法，各持所見，習於中國之文化者，謂孔子集羣聖之大成，治天下之大經大法，盡在六經，禮以節民性，樂以和民情，詩觀風化，書道政事，春秋紀人事之變，周易探天地之原，本

此以治天下，自當上順天心，下洽輿情，山川鬼神，亦莫不寧，鳥獸魚鼈咸若矣，且孔子歷叙羣聖之治化，而歸美於揖讓，泰伯之讓天下，文王之事殷紂，皆以至德稱之，又曰，能以禮讓爲國乎何有，歐化以競爭爲主義，以讓救爭，尤爲對症之良葯，且爲政以德，如北辰之居其所而不動，而衆星自旋遠而歸之，易干戈爲禮樂，今後之世界、扶衰救弊，未有能過乎孔子之化者也，此一說也，又有發揮耶蘇教之真諦，以捨身愛人爲主義，不蓄財寶於地下，惟蓄財寶於天上，有人求自己的外衣，並裏衣亦與之，且將自己所有的，盡行變賣，而以周濟窮人，